

***Aalisarneq Piniarneq Nunaqarfillu pillugit ataatsimiititaliap ileqqusumik 4. maj 2022-imi
ataatsimiinnerata 03 imaqarniliornera***

Ataatsimiinneq ingerlanneqassaaq 4. maj 2022 aallartissallunilu nal. 08.30.

Peqataasut:

Naleraq

Abel Enoksen, Sisimiut

Siumut

Aqqalu Skifte, Maniitsoq

Gideon Lyberth, Maniitsoq

Nalunaaqqaarluni peqataanngitsoq

Agathe Fontain

Nalunaaqqaarani peqataanngitsoq

Anna Karen Hoffmann



Ammasumik ataatsimiinnermi oqaluuserisassat:

- Imm. 01 Oqaluuserisassat akuersissutigineri
- Imm. 02 **Aningaasaqarnermut tunngasut**
B-946, Aalisarnermut piniarnermullu atortunut inissiivik, Maniitsoq
- Imm. 03 Arfernut angisuunik pilattarfik pillugu ilisimatitsissut
- Imm. 04 Tamalaat



Punkt 01 Oqaluuserisassat akuersissutigineri

Aalajangiineq

Oqaluuserisassat akuersissutigineqarput.



Imm. 02 B-946, Aalisarnermut piniarnermullu atortunut inissiivik, Maniitsoq

Journal nr. 06.01.01

Tunuliaqutaq

Aalisarnermut piniarnermullu atortunut inissiiveqannginnera ukiumi arlalinni Maniitsumi ajornartorsiutaanikuuvoq.

Ingammik qaluleriviiup eqqaani immikkoortoq ajornartorsiutaasumut qitiunikuuvoq, pigisanik soorlu containerinik, aalisakkanut karsinik, motorikunik, allunaasanik, qassutinik, piniarnermut atortunik allanillu katersuutiinnartoqartarmat. Pigisanut inissiinnakkkanut nunaminertamik atugassiiisoqarnikuunngimmat tamanna tulluartaunngilaq, atortut sukkasuumik nungujartortarput illoqarfimmullu kusanaallisaataasarlutik.

Aaqqiissutissat arlallit, illut sumiiffiillu eqqartorneqarnikuupput kisianni siusinnerusukkut aaqqiissutissamik naammattumik nassaartoqarnikuunngilaq. Ingammik inissiivissat talittarfimmumut qanittumi inissinissaat pillugu piunasaqarneq, naammassinissaa ajornakusoornikuuvoq.

Aalisarnermut piniarnermullu ataatsimiititaliaq 2022-mi februaarip qulingiluanni aalajangiinikuuvoq, quersuaq B-946 pisiarineqarsinnaaneranut periarfissanik allaffeqarfik misissuissasoq.

Maleruagassatigut tunngavigisag

Pilersaarusiorneq aamma nunamiinertat atorneqartarnerat pillugit Inatsisartut inatsisaat nr 17, 17 November 2010-meersoq.

Sumiiffimmumut pilersaarusiortusoq 700-C3.3

Pissutsit atuuttut

Aalisarnermut piniarnermullu ataatsimiititaliamit saaffigineqarneq tunuliaqutaqaralugu quersuaq B-946 pisiarineqarsinnaaneranut inissiivissatullu atorneqarsinnaanera pillugu periarfissanik Teknikkeqarnermut Avatangiisinullu immikkoortorta q misissuunikuuvoq.

Teknikkeqarnermut Avatangiisinullu immikkoortorta q maannakkut piginnittuusumiit pisinissamut akimik 30.04.2023-mi tiguneqarluni 850.000 koruuniusunik tigusaqarnikuuvoq.

Quersuup illutaa oqorsagaannngilaq imeqarnani kiassagaananilu. Taanna 216m² missaani angitigivoq aammalu illup qaavani isugutannguttoqartarneranik ajornartorsiutip saniatigut ajunngitsorujussuulluni kisianni illup iluani ininik/inissiivinnik nutarsaanissamik pilersitsinissamillu kiisalu illup angissusaanik tamakkiisuamik atuinissaq anguniarlugu illup isuanut matorsuarmik/isaarissamik nuutsinissamik pisariaqartitsissalluni. Ininut 4-6 m² missaannut agguataarneqarneratigut inissiivinnut 25-35 missaaniittunut inissaqassasoq nalilerneqarpoq.

Atuilluartaunissakkut kingunerisinnaasai

Illoqarfiup ataatsimut isigalugu torersuutinnissaa aammattaaq eqqarsaatigalugu inissiivinnik torersunik aaqqiissuussanillu peqarnissaq atuilluartaunerussasoq nalilerneqarpoq.

Aningaasaqarnikkut allaffissornikkullu kingunerisinnaasai

Aningaasartuutit tamakkiisut 2-2,5 mio. koruunit missaaniissasut missiliorneqarpoq. Tassunga ilaapput illumik pisineq, illup saqqaata ikkersuutaanik nutarsaaneq, matorsuarmik nuutsineq/pisineq, init agguataarnerini kiisalu innaallagisserinermik (qullit, ikkuffiit il.il.).

Taamaaliornikkut m²-mut ilanngaateqanngitsumik akia m²-mut 9.000-12.000 koruunit missaaniissasoq naatsorsuutigineqarpoq.

Pilersitsinermumut aningaasartuutit saniatigut siunissami ingerlatsinermumut aserfallatsaaliinermullu ingerlaavartumik aningaasartuuteqarnissaq aammattaaq naatsorsuutigineqarpoq. Ingerlatsinermi aningaasartuutit annertunerusumik innaallagassimuussapput aamma ukiumut amerlanerpaamk



30.000 koruuniussallutik. Aammattaaq aserfallatsaaliinermut aningaasartuutit ukiumut 50.000 koruunit missaaniissasut naatsorsuutigineqarpoq.

Quersuaq aalisartut piniartullu atortuinut inissiivinnut agguataarneqarpat, ingerlatsinermut aningaasartuutiinik matussutissatut ukiumut attartortitsinermut akiliutissamik akiliisitsisoqartarsinnaassaaq, soorlu kalaalimineerniarfiup eqqaani quinik attartornermut ukiumut akiliuteqartoqartartoq.

Allaffeqarfiup naliinnera

Quersuaq piunasaqaatinut kissaatinullu amerlanernut naammassinnittumik Kangerloralammi talittarfimmumt Maniitsumi qitiusoqarfimmi pitsaasumik inissisimaffeqarpoq. Allaffeqarfiup nalilerpaa, pisinissamut akeq appartinniarlugu isumaqatiginniutiginissaanut imaluunniit inissisimaffimmik pitsaanerusequmik nassaarnissamut periarfissaqanngitsoq taamaattumillu illu siunissami inissiivissatut aammalu aalisartut piniartullu atortuinut inissiivissatut pisiarineqassasoq innersuussutigineqarpoq.

Illumik pisinissamut piareersaanissamullu aningaasartuutit tamakkiisut aalisarnermut piniarnermullu aningaasaliissutinit atuiffik: 562040600-0401010000-322140765-010500-500286-003-2-10-37

-mit 2,5 mio. koruunit aningaasaliissutitut sinnaakkutaasut iluanniippoq.

Innersuussut

Suliaq Aalisarnermut Piniarnermullu ataatsimiititaliamut, Aningaasaqarnermut ataatsimiititaliamut kingusinnerusukkullu Kommunalbestyrelsimut akuerisassanngorlugu saqqummiunneqarpoq:

- Ukiumit 2022-mi tuniniaasumut 850.000 koruuninik pisinissamut isumaqatigiissusiornissamut Teknikkeqarnermut Avatangiisinullu immikkoortorta immikkut akuersissuteqarnissamut pisinnaatitaassasoq.
- Atuiffimmit 562040600-0401010000-322140765-010500-500286-003-2-10-37 illumik piareersaanissamut ukiumut 2023-mut aningaasanik katillugit 1,65 mio. koruuninik tunniussisoqassasoq
- Illumik ingerlatsinermut aserfallatsaaliinermullu ukiumut aningaasartuutit quinik attartortitsinermut akiliisitsisarnikkut matuneqartassasut.

Aalajangiineq

Innersuussutigineqartut akuersissutigineqarput.

Ilanngussat

1. Tuniniaasumit tunisinissamut neqeroorut

Imm. 03 Arfernut angisuunik pilattarfik pillugu ilisimatitsissut

Journal nr. 06.01.01

Tunuliaqutaq

Sisimiuni SAAPP SAPP, teknikkeqarfiullu 29-03-22 ataatsimeeqatigineqarnerani arfernut angisuunut mikinerusunullu pilattarfeqalersinnaanera eqqartorneqarpoq.

Kissaatigineqarpoq, arfernut qaqitsiniarnermi pituffissanik spil-imillu peqalernissaa, taamaasilluni arferit oqinnerusumik qaqqineqarsinnaaniassammata. Arfernut pilaffigineqartartut qaarsorissuummata, beton-imik nunniorfigineqarnissaat pisariaqartinneqanngilaq.

Naatsorsuutigineqarpoq imeq angallatsiniit nammineq slanngilerluni seqqartaatigineqarsinnaasoq, taamaasilluni pilattarfiit innaallagialersorneqartariaqaratik. Sapinngisamik atortorissaaruterpassualersorani kingorna aserfallatsaalisassanik, pituffiit amuaatillu pisariaqartinneqarnerupput.

Maleruagassatigut tunngavigisaq

Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-imeersoq

Pissutsit atuuttut

Sisimiut eqqaanni arfernut anginernut pilaffigineqarajuttut pingasuupput. Itillip avannaani, paarngaap ikerasaani, sisimiullu avannannguani.

Atuilluartuunissakkut kingunerisinnaasai

Arfernik pilannerit pituffeqarpat amuaateqarpallu eqaannerusumik ingerlanneqarsinnaapput.

Aningaasaqarnikkut allaffissornikkullu kingunerisinnaasai

Missingerneqarpoq pilattarfik ataaseq atortunik pisinermi, sanatinneralu 500.000 kr-eqassasoq. Akili sukumiinerusooq, aatsaat tilbuddiliortitsinikkut iluamik paasineqarsinnaavoq.

Allaffeqarfiup naliinnera

Pilattarfiup pilersinneqarnissaa siunniunneqassappat, suliassap qanoq ingerlariaqqinnissaa allaffissornermi sulianik tulleriissaanerinermi nalilersorluarneqartariaqassaaq. Teknikkeqarfimmi ingeniørinik arlalissuarnik amigaateqarnermi angumerisinnaasat killeqarmata, suliap siunnersuisartunut suliakkiunneqarsinnaanera naliliiffigineqartariaqassaaq.

Innersuussut

APNA-mut innersuussutigineqarpoq ilisimatitsissut tusaatissatut tiguneqassasoq.

Aalajangiineq

Sisimiuni pilattarfimmut taalamillu pituffimmillu aalisartut peqatigalugit misissuineq ingerlanneqassasoq aalajangiunneqarpoq.

Ilanngussat

1. SAPP SAAPP-llu ataatsimeeqatiginerini imaqarniliaq 29-03-22-imeersoq



Imm. 04 Tamalaat

Ataatsimiinneq naammassivoq nal. 08.57

